

VÍS: Uppgjör 1. ársfjórðungs 2020

Árshlutareikningur félagsins fyrir fyrsta ársfjórðung 2020 var staðfestur af stjórn og forstjóra félagsins á stjórnarfundum þann 29. apríl 2020.

Helstu niðurstöður fyrsta ársfjórðungs 2020.

- Tap tímabilsins eftir skatta nam 1.963 m.kr. samanborið við hagnað upp á 936 m.kr. á sama tímabili 2019.
- Iðgjöld tímabilsins voru 5.592 m.kr. en voru 5.572 m.kr. á sama tímabili í fyrra.
- Fjárfestingatekjur voru neikvæðar um 162 milljónir en jákvæðar um 1.367 m.kr. á sama tímabili í fyrra.
- Arðsemi eigin fjár var neikvæð um 13,8% en jákvæð um 6,5% á sama tímabili 2019.
- ap á hlut var 1,04 krónur samanborið við hagnað á hlut upp á 0,49 krónur á sama tímabili 2019.

Árshlutareikningurinn hefur hvorki verið endurskoðaður né kannaður af endurskoðendum félagsins.

Helgi Bjarnason, forstjóri VÍS

„Fyrsti fjórðungur ársins var einn sá verst í sögu félagsins og nam tap tímabilsins 1.963 milljónum kr. Óveður, snjóflóð og alvarleg bíslsly settu mark sitt á þessa tjónþungu mánuði. Matsþróun og styrking tjónaskuldar hafði einnig áhrif á fjórðunginn. Samsett hlutfall fjórðungsins var 125,8%. Vakin er athygli á því að samsetta hlutfallið er nú reiknað samkvæmt leiðbeinandi tilmælum Fjármálaeftirlits Seðlabanka Íslands sem birt voru þann 18. mars 2020, en samkvæmt tilmælunum skal ekki taka tillit til vaxta- og gengisbreytinga í samsettu hlutfalli. Áhrifin eru 8,2% til lækkunar á samsettu hlutfalli í fjórðungnum.

Aðferðafræði við að reikna mat á tjónaskuld var aðlöguð í fjórðungnum þar sem matsbreytingar síðustu ára hafa viðvarandi verið neikvæðar, sér í lagi í líkamstjónum. Vegna þessa hefur félagið styrkt tjónaskuldina samantekið um 700 milljónir króna í fjórðungnum.

Óvissa á fjármálamörkuðum

Ársfjórðungurinn var erfiður á verðbrefamörkuðum sem skilaði sér í neikvæðum fjárfestingatekjum að fjárhæð 162 m.kr. eða 0,5% neikvæðri ávöxtun fjárfestingaeigna. Lækkun skráðra hlutabréfa hafði þar mest áhrif en auk þess hafði virðislækkun framtakssjóða og erlendra skuldabréfasjóða neikvæð áhrif. Á móti skiluðu fjárfestingar félagsins í óverðtryggðum ríkisskuldabréfum og sértryggðum skuldabréfum jákvæðri afkomu. Þess má geta að eignarhlutur félagsins í ferðapjónustu beint og óbeint í gegnum sjóði er um 580 m.kr., þar af eign í Bláa lóninu um 470 m.kr.

Til staðar fyrir viðskiptavinum á erfiðum tímum

Mikil óvissa er framundan vegna COVID-19 og erfið er að meta hversu lengi hún varir. Erfiðar horfur í efnahagslífinu og á vinnumarkaði gera það að verkum að við höfum ákveðið að leggja alla áherslu á að vera til staðar fyrir viðskiptavinum okkar, bæði fyrirtæki og einstaklinga. Í því felst t.a.m. að veita viðskiptavinum okkar greiðslufresti og ráðgjöf um tryggingavernd í breyttum aðstæðum. Stærsta verkefni okkar og annarra samfélag-slega ábyrga fyrirtækja er að bregðast við þessum fordæmalausum aðstæðum á ábyrgan hátt því óvissunni í íslensku efnahagslífi er því miður hvergi nærri lokið.

Þjónustan færð á netið

Sú stafræna umbylting sem hefur átt sér stað hjá félaginu á undanförunum tveimur árum gerði það að verkum að við gátum brugðist hratt við breyttu landslagi vegna COVID-19. Við færðum þjónustuna okkar alfarið á netið um miðjan marsmánuð og langar mig að þakka viðskiptavinum okkar fyrir að bregðast vel við þeirri breytingu. Þeir hafa óhikað nýtt sér stafrænar lausnir félagsins og er nú annað árið í röð nær 100% aukning á innskráningum í þjónustugáttina okkar. Þá var einnig sett met í hlutfalli rafræna tjónstilkynninga í fjórðungnum en um helmingur allra tjóna eru nú tilkynnt rafrænt.

Viðskiptavinir styrkja góð málefni

Ég er stoltur af því að viðskiptavinir okkar hafa nú val um að styrkja góðgerðarfélag þegar þeir kaupa líf- og sjúkdómatryggingar hjá okkur á netinu. Valið stendur milli þriggja góðgerðarféлага sem eru Kraftur, MS félag Íslands og Hjartaheill. Á skömmum tíma hafa þeir viðskiptavinir okkar sem velja þessa leið við að tryggja líf og heilsu safnað myndarlegri upphæð fyrir þessi góðgerðarfélag.

Þrátt fyrir fordæmalaust ástand í byrjun árs hef ég fulla trú á því að sumarið hafi í för með sér bjartari tíma fyrir okkur og samfélagið í heild.“

Horfur

Félagið hefur ekki gefið út nýja spá fyrir heildaraðkomu ársins þar sem mikil óvissa ríkir í íslensku efnahagslífi. Félagið gerir nú ráð fyrir því að samsett hlutfall ársins 2020 verði á bilinu 102% - 105%.

Kynningarfundur

Rafrænn fundur fyrir markaðsaðila og fjárfesta vegna uppgjörsins verður haldinn fimmtudaginn 30. apríl kl. 08.30. Helgi Bjarnason, forstjóri félagsins, kynnið uppgjör félagsins og svarar spurningum.

Hægt verður að fylgjast með fundinum í beinni útsendingu og nálgast upptöku að honum loknum á vefslóðinni:

<https://www.vis.is/vis/fjarfestar/fjarfestafundur>.

Fundurinn verður í beinni útsendingu með fjarfundarbúnaði Cisco Webex. Hægt er að tengjast fundinum með vafra eða hlaða niður hugbúnaði frá Cisco. Nánari leiðbeiningar um hvernig eigi að tengjast fundinum má finna á vefslóðinni:

<https://www.vis.is/vis/fjarfestar/fjarfestafundur>.

Kynningarefni fundarins verður hægt að nálgast hér: <https://www.vis.is/vis/fjarfestar/fjarfestar/>.

Fjárhagsdagatal

2. ársfjórðungur || 20. ágúst 2020

3. ársfjórðungur || 22. október 2020

Ársuppgjör 2020 || 25. febrúar 2021

Nánari upplýsingar

Nánari upplýsingar veitir Erla Tryggvadóttir í síma 660 5260 og í netfanginu fjarfestatengsl@vis.is.

Rekstrarreikningur

	1F 2020	1F 2019	Breyting	Breyting %
Iðgjöld tímabilsins	5.592	5.572	19	0,3%
Hluti endurtryggjenda	-187	-185	-3	1,5%
Eigin iðgjöld	5.404	5.388	17	0,3%
Fjárfestingatekjur	-162	1.367	-1.529	-111,9%
Aðrar tekjur	15	20	-5	-24,0%
Heildartekjur	5.257	6.774	-1.517	-22,4%
Tjón tímabilsins	-5.631	-4.052	-1.580	39,0%
Hluti endurtryggjenda	54	50	4	8,0%
Eigin tjón	-5.577	-4.001	-1.576	39,4%
Tæknilegar vaxta- og gengisbreytingar vátryggingaskuldar	-457	-176	-280	158,7%
Rekstrarkostnaður	-1.375	-1.430	56	-3,9%
Vaxtagjöld og virðisýrnun viðsk.krafna	-85	-91	6	-6,7%
Heildargjöld	-7.493	-5.700	-1.794	31,5%
(Tap) hagnaður fyrir skatta	-2.236	1.075	-3.310	-308,0%
Skattar	273	-139	412	-297,0%
(Tap) hagnaður tímabilsins	-1.963	936	-2.898	-309,7%
Tjóna- og endurtr.hlutfall	103,0%	75,0%		
Kostnaðarhlutfall	22,8%	23,2%		
Samsett hlutfall	125,8%	98,2%		
Arðsemi eigin fjár	-13,8%	6,5%		
Ávöxtun fjáreigna	-0,5%	4,1%		

Efnahagsreikningur

Eignir	31.3.2020	31.12.2019
Rekstrarfjármunir	645	670
Viðskiptavild og aðrar óefnislegar eignir	1.389	1.360
Húsaleiguréttindi	869	899
Skatteign	138	0
Fjáreignir á gangvirði í gegnum rekstur	31.843	32.338
Skuldabréf og aðrar langtímakröfur	1.912	1.843
Fjárfestingar með fjárfestingaáhættu líftryggingataka	1.503	1.530
Viðskiptakröfur	10.893	7.424
Endurtryggingaeignir	1.123	1.074
Aðrar kröfur	1.148	1.286
Handbært fé	2.352	1.930
Eignir samtals	53.814	50.354
Eigið fé		
Hlutfé	1.894	1.894
Lögbundinn varasjóður	626	626
Bundið eigið fé	2.967	2.793
Óráðstafað eigið fé	7.745	9.881
Eigið fé samtals	13.231	15.194
Skuldir		
Vikjandi skuldabréf	2.759	2.788
Tekjuskattskuldbinding	0	136
Húsaleiguskuldbinding	891	917
Vátryggingaskuld	32.621	27.577
Líftryggingaskuld með fjárfestingaáhættu líftryggingataka	1.503	1.530
Viðskiptaskuldir og aðrar skuldir	2.808	2.212
Skuldir samtals	40.583	35.160
Eigið fé og skuldir samtals	53.814	50.354